

EW NAMOPUNG

A awora ukukun \$3,022 seni ewe Monienapen ewe Legislature-un Chuuk ren fan asengesi mchien ewe Ranin Urumot non Fonuwen Fenapi ewe epwe fis non ewe Ranin Charter, September 26, 1981, pwan ren ekkoch popun.

Epwe Pung me ren ewe Legislature-un Chuuk.

Tetten 1. Iei a kawor ukukun \$3,022, ika fite ukukun mei namot ren an epwe tangeni naaf, seni ewe Monienapen ewe Legislature-un Chuuk ren fan asengesi mchien urumot non Fonuwen Fenapi non ewe ranin Charter, September 26, 1981.


Tetten 2. Ei ukukun moni mei kawor non Tetten 1, epwe einet ika nongeni ewe Kepina, ewe epwe wisen tumunu nouncun me mwokutukutun ewe moni fan iten Legislature-un Chuuk ren an epwe chok fiti meta mei affat non Tetten 1 ren sakkun mwokutukutun ewe moni, iwe esap pwan wor katoun me nouncun ei moni epwe nap seni ei ukukun mei kawor. Met ukukun ei moni esemwo nussuno non September 30, 1982, epwe niwin sefan ngeni ewe Monienapen ewe Legislature-un Chuuk.


Tetten 3. Ewe Kepina epwe awora an repotun nouncun ei moni, ngeni ewe Legislature me mwen April 15, 1982, epwe affatatiw:

(1) unusen porausen nouncun ei moni mei kawor non Tetten 1, fongon me met nussun mei chiwen wor non April 1, 1982, pwan

(2) met sakkun atoot ika anapanap ren ewe nussun moni esemwo nouncun non nussun Fiscal Year, ren ewe moni esemwo nouncun tori April 1, 1982.

Tetten 4. Ei Namopung epwe poputa pochokunan atun kapunguno me ren
ewe Kepina, ika pusin chok winiti annuk, nge esemwo kapunguno.

Sain seni: 
Tadashi C. Wainit, Speaker
Truk Legislature

Annetata: 
Datasi Albert
Legislative Clerk/Secretary
Truk Legislature

Pwinin maram: October 6, 1981

Kapunguno seni: 
Erhart Aten, Governor
Truk State Government

Pwinin maram: October 15, 1981